



5. januar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit nunani allani ilinniartut Kalaallit Nunaannut angerlaqqittannginnerannut pissutaasut misissorneqarnissaat pillugu:

1. Nunani allani ilinniartut Kalaallit Nunaannut angerlaqqittannginnerannut pissutaasut misissorneqarnerat sumummita killippa, taamatummi misissueqqullugit Naalakkersuisut peqquneqarput Inatsisartunit 2015-mi Ukiakkut Ataatsimiinnermi immikkoortoq 49-p suliarineqarneranut atatillugu?

2. Suna pissutaava Naalakkersuisut misissuinerup inerneranik Inatsisartunut suli agguuassisimannnginnerannut, ukiormi ataaseq sinnerlugu qaangiusimalerpoq Naalakkersuisut peqquneqarmata misissuineq aallarteqqullugu?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

2015-mi Inatsisartut Upernaakkut ataatsimiinneranni aalajangiiffigisassatut siunnersuut imaattoq akuerineqarpoq:

” Ilinniartut Kalaallit Nunaata avataani ilinniartut naammassereernermik kingorna ukiut qulit angullugit Kalaallit Nunaannut uteqqittannginnerat kiisalu ilinniartut naammassereerlutik Kalaallit Nunaannut uteqqikkumasannnginnerannut pissutaasut pillugit misissuinissamut aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinerup kinguneranik uterartitsinissaq pillugu iliuusissamik pilersaarusiortoqassaaq, kalaallit ilinniartut naammassereerlutik Kalaallit Nunaannut uteqqittarnissaminnut kajumissuseqalernissaannut kammattuutaasussamik.”

Ukioq ataaseq qaangiusimalerpoq siunnersuut Inatsisartunit akuerineqarmalli taamaattumik misissuineq iliuusissanullu pilersaarut tamanna tunngavigalugu naammassineqangajalersimassagaluarput.

Apeqqutit akeqquneqarput ullut suliffiit naliginnaasut qulit iluanni.